



# I. PRINCIPADO DE ASTURIAS

## • OTRAS DISPOSICIONES

### CONSEYERÍA D'EDUCACIÓN, CULTURA Y DEPORTE

*RESOLUCIÓN de 9 de xineru del 2014, de la Consejería d'Educación, Cultura y Deporte, pola que s'aprueba la convocatoria del "Premiu al Meyor Cantar" en llingua asturiana o en gallego-asturianu.*

Esamináu l'espiediente de referencia resulten los siguientes:

#### Hechos

*Primeru.*—La difusión, fomentu y normalización social del asturianu y, nel so ámbitu, del gallego-asturianu nes sos diverses manifestaciones, acordies colo dispuesto nel Estatutu d'Autonomía del Principáu d'Asturies y la Llei 1/98, de 23 de marzu, d'usu y promoción del bable/asturianu, impliquen l'atención a los diversos sectores sociales, culturales y empresariales qu'intervienen nel procesu. Nesti sentíu, l'artículu 13 de dicha Llei refierse de manera espresa a la protección de la música n'asturianu en cuantes que manifestación cultural y artística, polo que la Consejería d'Educación, Cultura y Deporte vien disponiendo una serie d'acciones que contribuyan a la proyección de la cultura musical que se manda de la llingua asturiana o del gallego-asturianu.

*Segundo.*—Fomentar la creatividá musical contribuye ensin dulda nenguna a desarrollar la bayura cultural de la sociedad. Sábese tamién que la música, que naz de la voluntá de creación y comunicación, conllueva una dedicación de tiempu y esfuerzu susceptible de ser reconocida y incentivada polos poderes públicos.

*Tercero.*—Ye por ello que la Consejería d'Educación, Cultura y Deporte considera que procede la convocatoria del "Premiu al Meyor Cantar" na so octava edición, dirixiu a consolidar, arriquecer y prestixiar la llingua y la cultura asturiana, na creencia, amás, de qu'actuaciones como ésta contribuyen de manera eficaz a dinamizar l'actividá cultural de la Comunidá Autónoma, y n'especial un aspectu tan importante de la mesma como ye'l de la creación musical.

*Cuarto.*—Por Resolución de 23 d'avientu del 2010 apruébense les bases reguladores del "Premiu al Meyor Cantar", modificaes por Resolución de 30 d'ochobre del 2013, de la Consejería d'Educación, Cultura y Deporte.

A estos fechos aplíquense-yos los siguientes

#### Fundamentos de derechu

*Primeru.*—L'artículu 3 del Decretu 71/92, de 29 d'ochobre, que regula'l Régime Xeneral de Subvenciones, en rellación col artículu 38 de la Llei 6/1984, de 5 de xunetu, del Presidente y del Conseyu de Gobiernu, l'artículu 5 del Decretu 4/2012, de 26 de mayu, de Reestructuración de les Conseyeríes qu'integren l'Alministración de la Comunidá Autónoma, mesmo que l'artículu 10 de la Llei 2/1995, de 13 de marzu, de Régime Xurídico de l'Alministración del Principáu d'Asturies; too ello tocántenes la determinación de les competencies y facultaes p'adoptar la presente Resolución.

*Segundo.*—Ye aplicable lo dispuesto na Llei 38/2003, de 17 de payares, Xeneral de Subvenciones y el Decretu 71/1992, de 29 d'ochobre, de Régime Xeneral de Concesión de Subvenciones.

Conforme lo espuestu y acordies colo previsto nos artículos 8c) y 41 del Testu refundíu del régime económico y presupuestariu, aprobáu pol Decretu Ilexislativu del Principáu d'Asturies 2/1998, de 25 de xunu, pola presente, elévase la siguiente

## RESOLUCIÓN

*Primeru.*—Aprobar la convocatoria, en régime de concurrencia competitiva, del "Premiu al Meyor Cantar" na so octava edición.

*Segundo.*—La presente convocatoria va mandase poles bases reguladores aprobaes por Resolución de 23 d'avientu del 2010 de la Consejería de Cultura y Turismo, modificaes por Resolución de 30 d'ochobre del 2013, de la Consejería d'Educación, Cultura y Deporte (Boletín Oficial del Principáu d'Asturies de 8 de payares del 2013).

*Tercero.*—A esta convocatoria del "Premiu al Meyor Cantar" van poder presentase los músicos, a título individual o dientro de grupos, que comercializaran dalguna canción orixinal de cualesquier xéneru a lo llargo del añu 2013, quedando escluíes les piezas tradicionales yá esistentes, les versiones o adaptaciones d'obres de creación publicaes orixinalmente n'otra llingua, y les canciones que nun fueran editaes y grabaes la primer vez nel periodu referíu.

*Cuarto.*—Los intérpretes o grupos interesaos tienen que presentar solicitú según modelu normalizáu qu'acompañá a esta convocatoria (Anexu I). Les solicitúes tienen que se presentar nel Rexistru Xeneral Central de l'Alministración del Principáu d'Asturies (Edificiu Alministrativu, c/ Coronel Aranda, s/n, planta plaza, sector central, Uviéu) o por cualesquier



# BOLETÍN OFICIAL DEL PRINCIPADO DE ASTURIAS

NÚM. 13 DE 17-I-2014

2/4

de los medios establecios nel artículo 38 de la Llei de Réxime Xurídicu de les Alministraciones Públiques y del Procedimientu Alministrativu Común. Si n'usu d'esti derecho la solicitú ye remitida per correu, tien que se presentar en sobre abierto pa que la solicitú sia fechada y sellada por personal de correos.

La presentación de la solicitú de participación conlleva l'autorización espresa pa que l'órganu instructor recueya de la Facienda del Principáu d'Asturies, de l'Axencia Estatal de l'Alministración Tributaria y de la Tesorería Xeneral de la Seguridá Social l'estáu de les obligaciones tributaries autonómiques, estatales y frente a la Seguridá Social.

*Quinto.*—Los interesados tienen que presentar o unviar hasta'l 30 de xineru del 2014 la documentación que s'indica de siguío:

Solicitú en modelu normalizáu (anexu I).

Declaraciones responsables (anexu II).

CD onde se recueya la canción escoyida pol grupu o intérprete pa concurrir al premiu.

Curriculum del solista o grupu, incluyendo rellación nominal de componentes y instrumentos que toquen.

Lletra de la canción escoyida, debidamente mecanografiada.

*Sesto.*—Acabáu'l plazu de presentación de solicitúes, éstes van ser valoraes por un Xuráu que va presidir quien sia titular de la Dirección Xeneral de Política Llingüística (o persona en quien delegue). El Xuráu va ser nomáu por resolución de la Conseyera d'Educación, Cultura y Deporte y va tar formáu por un máximu de nueve y un mínimo de cinco personnes rellacionaes col ámbitu de la música asturiana.

*Séptimo.*—La selección va tener dos fases. La primer fase va consistir nun llabor de preselección onde los miembros del xuráu van puntuar a caún de los concursantes que s'axusten a lo estipulao nes bases; les canciones, nun número non inferior a cinco, que llogren la puntuación global más alta van ser consideraes finalistes.

Na segunda fase va escoyese al ganador/a d'ente la relación de finalistes. Pa ello los finalistes tienen qu'actuar en directo defendiendo'l tema seleccionáu na Gala musical del "Premiu al Meyor Cantar" y, tres de les actuaciones, va facese público —nel trescursu de dicha Gala— el fallu del xuráu. Nesti sentíu, los finalistes clasificaos pa la segunda fase tienen qu'asumir la obligación d'actuar en directo na referida Gala, que se celebrará en fecha coincidente o aproximada al día 21 de febreru de cada añu (Día de la Llingua Materna). En casu de que dalgún de los finalistes seleccionaos na primer fase nun pudiera asumir esta obligación, va seleccionase al siguiente de los concursantes por orde de puntuación de mayor a menor, hasta completar el número de finalistes.

*Octavo.*—L'intérprete o grupu ganador va recibir como galardón una escultura orixinal y exclusiva d'un o una artista asturiana de prestixu reconociú. Amás, el Gobiernu del Principáu d'Asturies va mirar pola promoción y difusión de la canción nos medios de comunicación y nos eventos organizaos o promovíos pol propiu Gobiernu.

*Noveno.*—Formulada pol Xuráu la correspondiente propuesta de resolución de concesión de premios, la Conseyera d'Educación, Cultura y Deporte va dictar Resolución que va acabar cola vía alministrativa.

*Décimo.*—Ordenar la publicación d'esta Resolución nel Boletín Oficial del Principáu d'Asturies.

*Undécimo.*—Este acto acaba cola vía alministrativa y contra'l mesmu pue interponese:

Recurso potestativu de reposición énte la Ilma. Sra. Conseyera d'Educación, Cultura y Deporte. El plazu pa la presentación d'esti recurso va ser d'un mes.

Recurso contencioso-alministrativu ante la Sala de lo Contencioso-Alministrativo del Tribunal Superior de Xusticia del Principáu d'Asturies. El plazo pa la presentación d'esti recurso va ser de dos meses.

Estos dos recursos nun puen simultaniase y el plazu pa la so interposición va contase, n'entrambos los dos casos, dende'l día siguiente al de la publicación d'esta resolución nel Boletín Oficial del Principáu d'Asturies (conforme lo estableció nel artículo 28 de la Ley del Principáu d'Asturies 2/1995, de 13 de marzu, de Réxime Xurídicu de l'Alministración del Principáu d'Asturies; y nel artículo 116 de la Llei 30/92, de 26 de payares, de Réxime Xurídicu de les Alministraciones Públiques y del Procedimientu Alministrativu Común). Too ello ensin perxuiciu de que los interesaos puedan exercitar cualesquier otru recurso que cuiden oportunu.

Uviéu, a 9 de xineru del 2014.—La Conseyera d'Educación, Cultura y Deporte, Ana González Rodríguez.—Cód. 2014-00484.



# BOLETÍN OFICIAL DEL PRINCIPADO DE ASTURIAS

NÚM. 13 DE 17-I-2014

3/4

Anexu I  
MODELU DE SOLICITÚ DE PARTICIPACIÓN NEL “PREMIU AL MEYOR CANTAR”

|                       |                       |
|-----------------------|-----------------------|
| INTÉPRETE O GRUPU (*) |                       |
| NIF:                  | Residencia:           |
| Lugar:                | Códigu Postal:        |
| Conceyu:              | Teléfonu de contactu: |
| Fax:                  | E-mail:               |

(\*) En casu de grupos, nesti apartáu tienen que figurar los datos del representante, ensin perxuiciu nengún de que tolos miembros del grupu firmen la solicitu.

SOLICITA ser almitíu/da a la convocatoria del “PREMIU AL MEYOR CANTAR” CORRESPONDIENTE AL AÑU 2013, COL CANTAR SIGUIENTE

| NOME DE LA PIEZA | NOME DEL DISCOGRÁFICU EN QUE S'INCLUYE | TRABAYU DEL LLETRISTA |
|------------------|--|-----------------------|
|                  |  |                       |

En cumplimiento de lo dispuesto na Llei Orgánica 15/1999, de 13 d'avientu, de Protección de Datos de Carácter Personal, pongo nel so conocimientu que los sos datos van ser incorporaos a los ficheros automatizaos titularidá de l'Alministración del Principáu d'Asturies.

Pa conocer les normes reguladores de los correspondientes al so espediente y, nel so casu, exercitar los derechos d'accusu, rectificación, cancelación o oposición, pue dirixir petición escrita a la Dirección Xeneral de Tecnoloxías de la Información y les Comunicaciones de la Conseyería d'Economía y Empléu, asitiada nel Edificiu Alministrativu de Servicios Múltiples, planta 6.<sup>a</sup> sector central derechu (c/ Coronel Aranda, s/n 33005 - Uviéu).

En/N' \_\_\_\_\_, a \_\_\_\_ de \_\_\_\_\_ del 2014

Fao.: \_\_\_\_\_

ILMA. SRA. CONSEYERA D'EDUCACIÓN, CULTURA Y DEPORTE  
DIRECCIÓN XENERAL DE POLÍTICA LLINGÜÍSTICA  
Serviciu de Política Llingüística



# BOLETÍN OFICIAL DEL PRINCIPADO DE ASTURIAS

NÚM. 13 DE 17-I-2014

4/4

## DOCUMENTACIÓN QUE SE PRESENTA

- † Solicitud en modelo normalizado.
- † Declaraciones responsables.
- † CD donde se recueya la canción escogida por el grupo o intérprete para concursar al premio.
- † Currículum del solista o grupo, incluyendo relación nominal de componentes y instrumentos que toquen.
- † Letra de la canción escogida, mecanografiada dafechu.

La presentación de la solicitud conlleva, salvo tenencias manifestación expresa en sentido contrario, la autorización para que la Dirección Xeneral de Política Lingüística recueya del Ente Tributario del Principado d'Asturias, de la Axencia Estatal d'Administración Tributaria y de la Tesorería Xeneral de la Seguridad Social, esté de las obligaciones tributarias autonómicas, estatales y frente a la Seguridad Social.

Nel supuesto de grupos, el resto de participantes autoriza a la Dirección Xeneral de Política Lingüística a recoger la información y datos precedentes.

En/Nº ..... a ..... del 2014

## Anexu II DECLARACIONES RESPONSABLES (\*)

D./D.<sup>a</sup> ..... , con NIF ..... , a efectos de la participación nel "PREMIU AL MEJOR CANTAR 2013"

### DECLARA

Que nun ta incursu/a nes prohibiciones pa llograr la condición de beneficiario señalaes nos apartaos 2 y 3 del artículo 13 de la Llei 38/2003, de 17 de payares, Xeneral de Subvenciones.

Que xustificó en tiempo y forma les subvenciones concedíes n'años anteriores pola Conseyería d'Educación, Cultura y Deporte.

Que cumplió les obligaciones derivadas d'ayudas y subvenciones concedíes con anterioridad por cualesquier de los órganos de l'Administración del Principado d'Asturias.

Que nun incumple lo previsto de manera expresa na convocatoria no que se refier a compatibilidá d'estos premios con otras ayudas.

(\*) Nel supuesto de grupos, la presente declaración responsable va ser entregada por caún de los miembros del grupu

En/Nº ..... , a \_\_\_\_ de \_\_\_\_\_ del 2014

Fao.: \_\_\_\_\_

ILMA. SRA. CONSEYERA D'EDUCACIÓN, CULTURA Y DEPORTE  
DIRECCIÓN XENERAL DE POLÍTICA LLINGÜÍSTICA  
Serviciu de Política Lingüística